

化將殮忽聞蓮華香氣自口鼻噴出沆號省
 菴居四明鄞之橫溪毒晨起誦法華日一過
 者三十載年登八秩增至三部為詩見志有
 清晨三度到靈山之句又閱大藏誦佛號凡
 天台教門少林宗旨無不博究諸經諸論諸部諸教
 佛祖統紀卷第四十七

佛祖統紀卷第四十八

說

宋咸淳四明東湖沙門 志磐

撰

法運通塞志第十七之十五

寧宗

光宗十子

十

日

春

庚

辰

歲

次

庚

辰

慶元三年荆門軍中忠翊郎趙善瑩狀當陽

縣玉泉山景德禪寺為隋智者禪師開山道

場蜀將軍閔王奉智者為師祈禱屢應乞賜

加封敕宜賜靈惠大師

嘉泰二年餘杭南山白雲菴道民沈智元乞

賜敕額臣寮言道民者遊墮不逞喫菜事魔

所謂姦民者也自植黨與十百為羣挾持妖

軟孽替愚俗或以修路建橋為名或效誦經

焚香爲會夜聚曉散男女無別所至各有渠
魁相統遇有諍訟合謀并力厚啖胥吏志在
必勝假名與造自豐囊橐創置私菴以爲遁
逃淵藪智元僞民之魁在道惑衆揆之國法
罪不勝誅張昞師京之日屢與鄰寺互論已
判道人私菴合夥前降指揮拆除今智元又

敗妄叩天關玩侮朝廷若此爲甚昔傳五斗
米道者始託黃老分遣弟子周遊四方轉相
誑誘其後數十萬衆同日竊發漢室遂微今
此曹若不防閑何所不至欲下臨安府將知
元等重行編竄籍其物業以爲傳習魔法玩
視典憲者之戒寄居勢家認爲己產蓋庇執

占者臺諫指名以奏制可

述曰嘗考夷堅志云興業事處三山尤熾
爲首者紫帽寬衫婦人黑冠白服稱爲明
教會所事佛衣白引經中所謂白佛言世
尊平金到經一佛二佛三四五佛以爲第
五佛又名末摩尼采化胡經乘自然光明
道氣飛入西那玉界蘇鄰國中降誕玉宮
爲太子出家稱末摩尼以自表證其經名
二宗三際二宗者明與暗也三際者過去
未來見在也大中祥符興道藏富人林世
長賂主者使編入藏安於亳州明道宮復
假稱白樂天詩云靜覽蘇鄰傳摩尼道可

喝六

三十二

驚二宗陳寂默五佛繼光明日月為資敬
乾坤認所生若論齋潔志釋子好齊名以
此八句表於經首其修持者正午一食裸
屍以葬以七時作禮蓋黃巾之遺習也辯
崇天長慶集即此無難辨之時樂
嘉定四年閏二月丞相錢象祖薨於天台里

象祖之守金陵嘗問道於保寧全無用後
於鄉州建接待十所皆以淨土極樂名之創
止菴高僧素為談道之麴自左相辭歸益修
淨業是月得微疾僧有問起居者則曰不貪
生不怖死不生天不生人唯當往生淨土耳
言訖趺坐而化時天鼓震響異香芬郁未終

之前郡人子啟夢空中聲云錢丞相當生而
方遣官為慈齋善產

理宗

諱昀字與權嘉興人紹興五年五月受戒即
年世年正月五日天長節

寶慶二年敕天申萬壽圓覺寺改為天台教
以師贊法師主之

淳佑六年十一月臨安明慶開恩律師奏南
山澄照律師戒疏業疏事鈔等并大智律師
述三部諸記共七十三卷乞附入大藏制可
續據省部下諸郡經坊鏤板頒行

淳佑十年三月臣寮上言國家優禮元勳大
臣近貴戚里聽陳乞守墳寺額蓋謂自造屋

四六

廿三

宇自置田產欲以資薦祖父因與之額故大觀降旨不許近臣指射有額寺院充守墳功德及紹興新書不許指射有額寺院著在令甲凡勲臣戚里有功德院止是賜額蠲免科敷之類聽從本家請僧住持初非以國家有額寺院與之逐年士夫一登政府便萌規利

指射名利改充功德侵奪田產如置一莊子弟無狀多受庸僧財賄用為住持米鹽薪炭隨時供納以一寺而養一家其為汙辱祖宗多矣況宰執之家所在為多若人占數寺則國家名利所餘無幾官中一有科需則必均諸人戶豈不重為民害臣愚欲望睿旨申嚴

舊制應指占教額寺院並與追正仍從官司請僧庶以杜絕私家交通寺院賄貨之弊制可

天台沙門思廉致書於杜清獻公曰佛囑國君大臣護持佛法而反破壞佛法者有一事最為要朝廷立法許大臣為祖父以家財造寺乞額所以薦福為先亡也今昧者為之則不然以祖父玉體之重不能捐財買山既已奪取僧藍之地以為墳而又欲影占數寺稱為功德舉寺中所有諸物而有之今日發米明日發茶筍又明日發柴炭又明日發竹木甚至於月奉水陸之

珍一有亡僧則必掩取其物歸之私帑嘗聞時貴之言曰請過功德一鍼一草皆我家之物哀哉彼誠不知常住物業亡僧財物皆屬三寶侵奪之者若主若僕必招苦報其於安厝祖父之體竟寧不貽三塗之惡報乎吁占奪伽藍欺君也葬父僧地陷

父也自為不法賊已也以不法教子弟累人也欺君者不忠陷父者不孝賊已者不智累人者不仁如此以為人是誠何人哉今名勝道場效尤而奪取者幾徧諸郡一屬功德則使庸繆之輩以居之方竭力奉承之不暇又寧能辦清供以安廣衆乎以

世宗

故尋師問道者翩翩南北但能嗟時事之不然而已區區愚衷欲望大丞相明察精弊檢準舊法凡宰執之家除四明大慈七山史氏自造請願合格外自餘占奪有願舊寺者專令臺部置司行下諸郡從實供析悉與拘回並從所屬州郡給帖住持仍釐正在前侵占山林屋宇歸還各寺子弟有敢與住持交通如前侵占者許雜人密告臺部追捕幹吏斷剋統令住持勒令罷道清整法門申明朝憲誠有在於大丞相奉行之力不為物論動搖為可耳

云

瑞平元年靈山守愚法師奏四明延慶法智

大師中興天台一家教觀所著記鈔二百餘
卷乞入大藏頒行制可

端平三年四明沙門海印刪修陸師壽寶珠

集續集淨業有驗者名淨土往生傳十二卷

志易別錄北淨土立說為要

佛祖統紀卷第四十八

終

碣六

永樂北藏

佛祖統紀

第二〇〇冊